

AKHBAR : HARIAN METRO

MUKA SURAT : 4

RUANGAN : LOKAL

50,511 kes denggi setakat tahun ini

Kuala Lumpur: Ketika memerangi Covid-19, Kementerian Kesihatan Malaysia (KKM) terus komited memastikan demam denggi terkawal dalam komuniti.

Menteri Kesihatan Datuk Seri Dr Adham Baba berkata, sejak Januari hingga Sabtu lalu, sebanyak 50,511 kes demam denggi dengan 88 kematian dilaporkan berbanding 56,819 kes dan 88 kematian dalam tempoh sama tahun lalu.

Menurutnya, jumlah kumulatif kes bagi tempoh itu berkurang berbanding tahun lalu namun sejak lapan minggu lalu, trend peningkatan dikesan dengan purata lapan peratus seminggu.

"Berdasarkan trend itu, KKM menjangkakan peningkatan kes demam denggi dalam gelombang kedua, bermula awal Jun hingga September ini," katanya dalam kenyataan media, semalam.

Dr Adham berkata, sempena sambutan Hari Denggi peringkat Asean, tema 10 Minit Hapuskan Aedes dipilih pada peringkat kebangsaan tahun ini.

Katanya, tema itu bertujuan mewujudkan komitmen dan ker-

jasama padu dari semua pihak termasuk masyarakat, jabatan, agensi kerajaan mahupun swasta untuk menangani masalah denggi.

"Tema ini juga selari dengan hala tuju KKM dalam pencegahan denggi yang memberi penekanan peranan komuniti men-

“
Masyarakat
disaran untuk terus
melakukan aktiviti
pencegahan
denggi
Dr Adham Baba

jalankan aktiviti pemusnahan tempat pembiakan nyamuk Aedes secara sendiri.

"Dalam tempoh Perintah Kawalan Pergerakan (PKPP),

masyarakat disaran untuk terus melakukan aktiviti pencegahan denggi dengan mengutamakan penjarakan sosial, memakai pelitup muka serta kerap mencuci tangan dengan air dan sabun atau menggunakan cecair sanitasi," katanya.

